

## Årsmelding for Øvre Naustdal Utmarkslag – 2013.

**Styret** har i 2013 vore samansett slik:

Normund Svoen – leiar

Odd Vonen – nestleiar

Kjell Klopstad – sekretær

Arne Dvergsdal – styremedlem

Gudmund Eimhjellen - styremedlem

**Rekneskapet** er ført av Karen Marie Elvik Svoen

**Revisorar:**

Olav Svoen og Kjetil Fimland .

**Valnemnd:**

Svein Svorstøl, leiar, og Marius Nes

**Kontaktpersonar**

Vernesaker: Olav Svoen

Villrein : Atle Fimland

Stimerkingsprosjektet ”Over stakk og stein”: Arne Dvergsdal

**Styremøter**

Styret har hatt 2 møter og behandla ca. 13 saker. I tillegg har der vore kommunikasjon over telefon, tekstmeldingar og epost. All aktivitet har etter kvart vore dokumentert på nettsida vår.

**Arrangement/ Prosjekt** som laget har vore inne i siste året:

- **Årsmøte** Arrangering av årsmøte 09.03.13 - Instedalen skulen. 11 medlemer møtte. Årsmøtet blei nok ein gong arrangert i samarbeid med Instedalen Storvald som hadde sitt årsmøte rett i etterkant.
- **Fiskekortslag og båtutleige.** Det blei for sesongen 2013 vidareført sjølvbetjening av fiskekort for ØNU sitt område. Bokser med fiskekort på Fimlandsbua, i Nesstranda ved vegen mot Teigavatnet, på Nestunet og ved Vonavatnet. I tillegg var det lagt ut kort på Longevasshytta. I sesongen blei det også vidareført utleige av båt både i Svo-/Nesvatnet og i Vonavatnet. Garn kunne hentast hos Olav R. Fimland på Nes. Alle avgifter blei betalt direkte til bank, men det skulle leggest kvitteringslapper att i boksane. Sjølvbetjeninga har fungert bra og inntektene av salget har vore stabilt. I det store og heile har dei som har forsynt seg med fiskekort betalt på nettbank i etterkant.
- **Innkjøp to nye gode robåtar** – den eine plassert i Svo-vatnet ved Svobrua frilukstsområde og den andre Vonavatnet ved enden av Vonavegen ved nausta der. Inntrykket er at tilbodet om båtutleige har vore sett pris på og at utnyttinga har vore betre enn tidlegare år.
- **”Over stakk og stein”** Det har ikkje vore merka fleire stiar i vårt område i dette prosjektet i 2013. I forbindelse med Instedalen byggeutvikling har det likevel vore arbeidd med andre stiprosjekt. Fleire medlemer i Utmarkslaget har vore involverte her.

- **Inkjøp av to benker med bord** gitt av Instedalen bygdekvinne­lag og Naustdal kommune. Begge er plassert ved parkeringsplassen ved Vonavatnet. I tillegg har fått i gåve to bord/benker til som er plasserte ved Svobrua friluftsområde.
- **Opparbeiding av parkeringsplassene ved Reinene og Øyjord.** Arbeidet her er finansisert med dialogmidlar (LV mildar) og er utført av Olav Svoen
- **Ferdiggrusing av parkeringsplassen ved Steinbakken.** Finansiert med tilleggsmidlar (LV midar) og er utført av Stein Torald Vonen med hjelp frå Olav R. Fimland som dugnad for Utmarkslaget.
- **Skilting av alle parkeringsplasser** med godkjente P-merkingsskilt.
- **Oppretting av betalingsparkering ved parkeringsplassen ved Vonavatnet.** Ordning som ved fiskekort og båtleige med innbetaling over nettbank. Priser: kr. 20,- pr døgn, kr 100 pr. veke, kr 200,- pr. år. Kun grunneigarane som eig grunnen er friteke for betaling. Folk har stort sett vore lojale mot ordninga og betalt avgifta. Det har vore eit visst tilsyn med ordninga – bl.a. ved å legge ut betalingslapp på bilar der ikkje parkeringslapp er fylt ut, men det blir ikkje skriva ut gebyr. Mange årskort er selde og utgjer hovuddelen av inntektene. Inntektene skal brukast til å betale årleg grunnleige, vedlikehold av parkeringsplassen og båtrampen. Overskot skal brukast der Utmarkslaget må inn med eigenandeler for andre tiltak i området og som kjem til nytte for dei som har betalt avgift – bl.a. kaia som står for vidare oppussing, opparbeiding av stiar i området o.l.
- **Fiskeundersøking i Vonavatnet.** Utført i byrjinga av september av Rådgivande Biologer,- Bergen - ved Harald Sægrov. Han fekk god hjelp av Olav R. Fimland som på dugnad for Utmarkslaget var med under heile arbeidet. Presentasjon av prosjektet og resultatet 1. mars 2014. Her vil det også komme forslag til tiltak som kan betre fiskekvaliteten i vatnet.
- **Trekning av reinsdyrløyver.** Trekninga blei utførte 11.juli. Naustdal fekk to løyver. Beste løyve vart trekt på Gudmund Eimhjellen og nest beste på Marit Sørebo. Begge dyra blei felt.

## Deltaking i nemder og utval.

**Rådgivande Utval i Naustdal/Gjengedal landskapsvernområde** - Olav Svoen representerer Utmarkslaget og har deltatt på fleire møter. Han er også representant i villreinutvalget.

**Styringsgruppa for næringsutvikling i Naustdal/Gjengedal landskapsvernområde** – Gudmund Eimhjellen og Arne Dvergsdal sit som medlemmer. Det har vore fleire møter. I den seinare tid også fleire møter vedr turistnæringsutvikling for heile Naustdal kommune der medlemmer frå Utmarkslaget har delteke.

**Fondsstyret for Utviklingsfond for Naustdal-Gjengedal landskapsvernområde** – Normund Svoen representerer Utmarkslaget her med Kjell Klopstad som vara. Fleire møter.

## Prosjekt som Utmarkslaget arbeider med i 2014 er:

- Finansiering/utbetring av kaia ved Vonavatnet

- Stiprosjekt frå parkeringsplassen ved Vonavatnet mot østre enden av vatnet – samankopling med kloppe-stien innover mot Nesstølen
- Organisering av møte med gruppa som i si tid blei oppretta for å greie ut mulegheit for ein traktor/lastebilveg til Nesstølen
- Utgreiing/prosjektering av hengebru over Nausta nedanfor utlaupsosen til Vonavatnet.

### **Hjortebørsen 2013**

Også i 2013 blei «Hjortebørsen» på nettsidene våre oppdatert etter oppgåver som vi fekk frå styret i Instedalen Storvald. Ein prøvde å oppdatere talla regelmessig så lenge det blei skote dyr. Som vi kjenner til var der også i år lite dyr i vårt område med varierende grad av avskyting og mange jaktfelt avslutta jakta tidleg. Børsen er oppdatert pr. 31.12.13.

For meir info sjå nettsidene <http://www.kringlen.com/ONU.html> . Viser også til Øvre Naustdal Utmarkslag si Facebook gruppe.

Vi takker nok ein gong Ola Kringlen frå "Vonaportalen" for all hjelp til å legge ut sakene våre.

10.02.14

For styret i ØNU

Normund Svoen